



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 12. Aretius, & Westphalus mortui.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.
A.C. 1574.

§. XI.

Joachimi Camerarii interitus.

Ser. Sochnius narrat. de vita Joach. Camer. Bossuet. variat. tom. 2. p. 274.

Inter Theologos Protestantæ hanc ævum vivis ereptos celebrior erat Joachimus Camerarius in Franconia Bambergæ Germaniæ urbe Anno Domini millesimo quingentesimo die duodecima Aprilis ex nobilibus quidem, tenuis autem fortunæ parentibus natus. Hic vitam Philippi Melanchtonis, quocum semper arctam amicitiam fovebat, posteris reliquit, ejusdemque Authoris epistolas ad nos transmisit: scripsit etiam Historiam Valdensium, ediditque ex diversis Diæcesibus Episcoporum Catalogum: hunc Scriptorem illustriores Principes sua benevolentia dignabantur, præcipue vero Carolus V., & Maximilianus II. Imperatores, nam Camerarius Norimbergæ, Tubingæ, & Lipsiæ non sine magno applausu publice literas tradidit, periit autem die decima septima Aprilis Anno restauratæ salutis millesimo quingentesimo septuagesimo quarto postquam septuagesimum quartum ætatis suæ annum unum cum septem diebus expleverat.

§. XII.

Aretius, & Westphalus mortui.

Post

Post Camerarii obitum decefferat Benedictus Aretius Calvinistarum Ministellus, & Bernæ apud Helvetios natus, ubi etiam die vigesima secunda Aprilis ætate minime provectus animam evomuit. Is Marpurgi Philosophiam, ac Bernæ Theologiam professus edidit quemdam in novum Testamentum commentarium, atque examen Theologicum, necnon locos communes, quibus titulus: *Problemata sacra*.

Eodem hoc anno pariter Joachimus Westphalus secta Lutheranus Hamburgi natus obiit, quem ejusdem furfuris homines tanquam doctum Theologum deprædicant, quamvis eum Calvinus circa Sacramenta acri calamo perfringeret, parique vehementia Beza illum impugnare pergeret: utrumque tamen Westphalus refellebat, atque inter alia opera elucubravit quasdam de perniciofa Religionis varietate epistolas, necnon vigentem in Saxonici Ecclesiis fidei confessionem, præter epistolam, in qua ad Calvinum injurias respondit; edidit quoque ejusdem mendaciorum confutationem, ac tractatum de operibus &c: insuper ad stabiliendam, prout dicunt, Ubiquitatem contra Melanctonem omnes suas vires impendebat.

Sæcul XVI.
A.C. 1574.

*Adam in vit.
Germ Theol.
Teiffier addit. aux eloges de savans de M. de Thou.*